



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-376-4/22**

Datum: **08.09.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «BROVIS» d.d. Visoko, za izdavanje vodne dozvole za ispuštanje tehnoloških otpadnih voda sa lokaliteta Klaonice peradi izgrađene u naselju Donje Moštre, grad Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu «BROVIS» d.d. Visoko za ispuštanje tehnoloških otpadnih voda sa lokaliteta Klaonice peradi izgrađene na zemljištu označenom kao k.č. 1081 K.O. Mokronoge, općina Visoko.
2. Vodna dozvola se daje na osnovu pregleda dostavljene investiciono tehničke dokumentacije te utvrđenog činjeničnog stanja i pod sljedećim uslovima:
 - 2.1. Da se objekti čija je svrha prikupljanje, odvodnja i tretman tehnoloških otpadnih voda redovno održavaju i koriste na način koji će obezbijediti njihovu potpunu ispravnost i funkcionalnost.
 - 2.2. Da se sve tehnološke vode koje nastaju na predmetnom lokalitetu prikupljaju i odvođe na postrojenje za tretman otpadnih voda, a nakon tretmana preko okna za monitoring ispuštaju u rijeku Bosnu.
 - 2.3. Sistem prečišćavanja mora obezbijediti da kvalitet efluenta bude u granicama propisanih vrijednosti definisanih u prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Da se sve muljevitte i istaložene čestice iz postrojenja za biološki tretman otpadnih voda pohranjuju u silos za mulj do njegovog konačnog zbrinjavanja.
 - 2.5. Da se redovno vrši skupljanje opasnog i neopasnog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.
 - 2.6. Da Korisnik predmetnih objekata redovno vodi evidenciju o održavanju čišćenju objekata za odvodnju i tretman otpadnih voda, krvi i klaoničkog otpada, te odvozu mulja i neprerađenog krutog otpada od strane ovlaštene organizacije.
 - 2.7. Korisnik objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.8. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje IV – Utvrđivanje (izračunavanje) broja ekvivalentnih stanovnika te prema urađenom elaboratu u cjelosti i u propisanim rokovima izvršiti obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. U ovoj upravnoj stvari plaćene su sve upravne pristojbe.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godine od dana pravosnažnosti ovog rješenja.
10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Dana 25.07.2022. godine, pravno lice «BROVIS» d.d. Visoko podnijelo je zahtjev za izdavanje vodne dozvole za ispuštanje tehnoloških otpadnih voda sa lokaliteta Klaonice peradi izgrađene u naselju Donje Moštre, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra, broj: 043-0-RegZ-21-002530 izdatog 21.09.2022. godine od strane Općinskog suda u Zenici,
- Ovjerena kopija Uvjerenja o poreznoj registraciji, izdatog 16.12.2002.godine od strane Porezne uprave – Kantonalni ured Zenica,
- Kopija Rješenja o vodnoj dozvoli, broj: UP-I/25-3-40-295-6/17 izdatog 03.08.2017. godine od strane ove Agencije,
- Kopija Rješenja o okolinskoj dozvoli, broj: UP-I 05/02-02-19-5-48/20 izdatog 21.04.2020. godine od strane Federalnog ministarstva okoliša i turizma,
- Kopija Rješenja o odobrenju gradnje, broj: 12-23-4186/02 izdatog 09.06.2003. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Glavni projekat vanjskih i unutrašnjih instalacija sa priključcima (klaonica pilića i ćurki), Donje Moštre Visoko – proizvodna hala, urađen januara 2003. godine od strane «Projekt» d.d. Sarajevo,
- Glavni projekat vanjskih i unutrašnjih instalacija sa priključcima (klaonica pilića i ćurki), Donje Moštre Visoko – kafilerija, urađen januara 2003. godine od strane «Projekt» d.d. Sarajevo,

- Izvještaji o monitoringu kvaliteta i kvantiteta otpadnih voda objekta Klaonice za brojere i ćurke «Brovis» Visoko, urađeni od strane «Inspekt-RGH» d.o.o. Sarajevo (broj: 1718/21 od 08.12.2021. godine, broj: 83/22 od 08.02.2022. godine, broj: 611/22 od 12.04.2022. godine i broj: 898/22 od 13.06.2022.godine),
- Izvještaj o rezultatima ispitivanja tereta zagađenja otpadnih voda «Brovis» Visoko, izraženog preko EBS-a, broj: 14/21, urađen maja 2021. godine od strane «Inspekt-RGH» d.o.o. Sarajevo,
- Kopija Ugovora o čišćenju septika i zbrinjavanju otpada, broj: 2098/21-DS sklopljenog 25.09.2021. godine sa «Delta petrol» d.o.o. Kakanj,
- Kopija uplatnice administrativne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog lokaliteta u naselju Donje Moštre u Visokom i tom prilikom sačinjen je zapisnik o uviđaju broj: UP-1/21-3-40-376-3/22 od 06.09.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Kompleks pogona za klanje peradi i proizvodnju mesa i proizvoda od mesa izgrađen je u naselju Donje Moštre. U proizvodnim pogonima nalaze se dvije tehnološke linije za brojere i ćurke. U funkciji je samo linija za brojere kapaciteta oko 44.000 brojlera/dan.

Tehnološke otpadne vode iz klaonice sa pratećim sadržajima i sanitarno-fekalne otpadne vode prikupljaju se posebnom kanalizacijom i odvođe na uređaj za prečišćavanje otpadnih voda.

Oborinske vode sa krovova i otvorenih površina, koje nisu onečišćene, odvođe se posebnim sistemom kanalizacije u rijeku Bosnu.

Tehnološke otpadne vode nastaju u procesima:

- Pripreme peradi za klanje
- Klanja peradi i pripreme za evisceraciju
- Evisceracije i pripreme za hlađenje
- Hlađenja
- Pranja i dezinfekcije procesne opreme
- Pranja i dezinfekcije prostorija i radnih površina
- Pranja kamiona za transport peradi i transport gotovih proizvoda
- Pranja gajbi za transport peradi
- Pranja industrijskog kruga.

Tehnološke otpadne vode iz pogona za klanje brojlera odvođe se zajedno sa klaoničkim konfiskatom preko posebnog sistema kanalizacije i pumpnog sistema do kafilerije, gdje se vrši razdvajanje konfiskata i tehnološke otpadne vode. Jednim dijelom ova voda se recirkulacionim sistemom vraća u pogon klaonice radi snabdijevanja vodom pumpe za klaonički otpad a drugim dijelom ide na uređaj za biološki tretman otpadnih voda (REDOX Water Technology). Postrojenje za tretman otpadnih voda sastoji se od procesa mehaničkog tretmana, flotacije i biološkog tretmana otpadnih voda.

Nakon tretmana prečišćena otpadna voda automatski se ispušta u rijeku Bosnu.

Krv se takođe odvodi do kafilerije gdje se zajedno sa krutim klaoničkim otpadom prerađuje i melje za stočnu hranu.

Neprerađeni kruti otpad se privremeno deponuje u zatvorene kontejnere a zatim odvozi na gradsku deponiju.

Redovno se vrši monitoring prečišćenih otpadnih voda prije ispusta u rijeku Bosnu. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Redovno se, od strane ovlaštene laboratorije, vrši ispitivanje tereta zagađenja otpadnih voda farme, izraženog preko EBS-a. Prema Izvještaju iz oktobra 2020. godine utvrđen je ukupni teret zagađenja otpadnih voda od 516,0 ES.

Na osnovu očitovanja Službe za prikupljanje prihoda od vodnih naknada, konstatovano je da je podnosilac zahtjeva «BROVIS» d.d. Visoko redovno izmiruje svoje obaveze po osnovu posebnih vodnih naknada.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog postrojenja i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačke n) i o) i člana 13. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12., 31. i 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «BROVIS» d.d. Visoko ispunio minimum uslova za izdavanje vodne dozvole za ispuštanje tehnoloških otpadnih voda sa lokaliteta Klaonice peradi izgrađene u naselju Donje Moštre, grad Visoko, te je riješeno kao u dispozitivu ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-375-2/22 od 18.08.2022. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.

Dostaviti:

- «BROVIS» d.d. Visoko
Dobrinje bb, 71305 Donje Moštre, Visoko
- AVP Sava, ISV-vodna knjiga
- sektor 50
- ☉sektor 40 – arhiva
- oglasna ploča – AVP Sava